

11. ^a prá devám devyā dhiyā bhāratā¹ jātā-vedasam |
havyā no vakshad ānushák² || ^b ayám u shyá³ prá deva-
-yúr hotā yajnāya nīyate | rátho ná yór abhī-vṛito⁴ ghṛi-
nīvān^{2 u. 5} cetati tmánā || ^c ayám agnir urushyaty amṛitād
iva jánmanah | sáhasaṣ cit sáhīyān devó jīvātave kṛitáh ||
^d idāyās tvā padé vayám nābhā pṛithivyā ádhi | jāta-vedo
ní dhīmahy ágne havyāya vódhave || 1 || ^e ágne víṣvebhiḥ
sv-anīka devaír ūrñā-vantam prathamáh sída yónim | kulāyī-
nam² ghṛitá-vantaṁ savitré yajnam naya yájamānāya sādhu ||
^f sída hotah svá u loké cikitvānt sādáyā³ yajnaṁ su-kṛitāsya
yónau | devā-'vīr devān havishā yajāsy⁶ ágne bṛihád yāja-
māne váyo dhāh || ^g ní hótā hotṛi-shádane vídānas tveshó
dīdivāṁ asadat⁷ su-dákshah | ádabdhavrata-pramatir vāsi-
shṭhah sahasram-bharáh ṣuci-jihvo agnīḥ⁸ || ^h tvám dūtás
tvám || 2 || u nah paras-pās tvám vásya ā vṛishabha pra-
-netā | ágne tokāsyā nas tane tanūnām āpra-yuchan dídyad
bodhi go-pāh || ⁱ abhī tvā deva savitar ícānam vāryānām |
sádā 'van⁹ bhāgām īmahe || ^k mahī dyaúh pṛithivī ca na
imām yajnam mimikshatām | pipritām no bhārīma-bhiḥ ||
^l tvám agne púshkarād² ádhy átharvā nír amanthata | mūr-
dhnó víṣvasya vāghátah || ^m tám u || 3 || tvā dadhyānā^{2 u. 10}
rishiḥ putrá ídhe átharvānah¹¹ | vṛitra-hānam¹² puram-da-
rām || ⁿ tám u tvā páthyó vṛishā sám ídhe dasyu-hāntamam
dhanam-jayāṁ rāṇe-rāṇe || ^o utá bruvantu jantáva úd agnir
vṛitra-hā 'jani | dhanam-jayó rāṇe-rāṇe || ^p ā yāṁ háste ná

11. pācukahautropayogimantrāḥ; a-h auttaravedike agnipraṇayane, i-n
agnimanthane, o-p vahnau jāte, q-v asyā'gneḥ pūrvāgninā saha melane. ¹ so
(°ā) AW, s. P. 3, 11, 12. ² ohne avagraha. ³ so (sh") AW, s. P.
6, 2; zum Abfall des ḥ s. P. 5, 15. ⁴ s. P. 3, 7. ⁵ zu °n s. P. 5, 21.
⁶ s. P. 16, 18. ⁷ so (°āṁ a°) AW, s. P. 9, 20. ⁸ so (°o a°) AW, s.
P. 11, 3. ⁹ als zwei Wörter! (so auch der padapāṭha des Rik); sarvadā
he rakshaka, schol. ¹⁰ s. P. 9, 18. ¹¹ so (°e a°) AW, s. P. 11, 3.
¹² zu ṇ s. P. 7, 11.